

1. Աշխարհը լեցուն է բարիքներով,
 Չի կշտանում աչքը, լցվում սիրտը,
 Գալիքը լեցուն է տառապանքներով,
 Պիտ անցնեն այս կյանքի զվարճանքները:

Յիսուսն է մեր ճամփան, մեր կյանքը,
 Կշտացնում է աչքը, լցնում սիրտը,
 Դե, շտապիր քեզ գցել իր գիրկը,
 Որ ապահով լինի քո կյանքը:

2. Ունայն է այս կյանքը, վաղանցիկ,
 Կփչանա, կանցնի ինչպես ծաղիկ,
 Չի դառնա երբեք ետ կյանքը քո,
 Մեկ ճամփա կա տանող մոտն Աստծո:

3. Բաց են դռները՝ տանող կյանքի,
 Մի՛ խստացրու սիրտդ, մի՛ համառիր,
 Փակվելու է մի օր դուռը այն,
 Որ տանում է հավիտենություն: